

四庫全書

集部

# 欽定四庫全書

集部

文苑英華卷二百十三至  
五

詳校官太僕寺少卿<sub>臣</sub>李廷欽

助教<sub>臣</sub>常循覆勘

總校官進士<sub>臣</sub>朱 鈐

校對官編修<sub>臣</sub>盧 燧

謄錄監生<sub>臣</sub>王貽桂

欽定四庫全書

文苑英華卷二百十三

宋 李昉等 編

音樂二

歌舞附

歌二十二首

舞七首

歌妓四十三首

歌

歌

李 嶠

漢帝臨汾水周仙去洛濱  
郢中吟白雪梁上繞飛塵  
響

發行雲駐聲隨

一作嬌

子夜新願君聽扣角當自識賢臣

口號踏歌詞

張說

花萼樓前雨露新長安城裏太平人龍銜火樹千重

集作

燈焰雞踏

集作上

蓮花萬壽

集作萬歲

春

聽楊氏歌

杜甫

佳人絕代歌獨立發皓齒滿堂慘不樂響下清虛

一作浮雲

裏江城帶素月況乃清夜起老夫悲暮年壯士淚如水

玉盆久寂寞金管迷宮徵勿云聽者疲愚智心盡死古

來傑出士豈待一知己吾聞西秦音

集作聲

傾側天下耳

夜上西城聽梁州二首

李益

行人夜上西城宿聽唱梁州雙管逐此時秋月滿關山  
何處關山無此曲

二

鴻鴈新從北地來聞聲一半却飛回金河戍客

集作卒腸應斷更在秋風百尺臺

聽赤白桃李花

前人

赤白桃李花先皇在時曲欲向西宮唱西宮宮樹綠

聽樂悵然自述

韓 滉

萬事傷心對管絃一身含淚向春煙黃金用盡教歌舞  
留與他人樂少年

與歌者何戡

劉禹錫

二十餘年別帝京重聞天樂不勝情舊人唯有何戡在  
更與殷勤唱渭城

聽舊宮中樂人穆氏唱歌

前人

曾隨織女渡天河記得雲間第一歌休唱貞元供奉曲

如今

一作當時

朝士已無多

與歌者米嘉榮

前人

唱得梁州意外聲舊人唯數米嘉榮近來時世輕先輩  
好染髭鬚事後生

與歌童田順郎

前人

天上能歌御史娘花前月底奉君王九重深處無人見  
分付新聲與順郎

夜聞歌者

鄂州

白居易

夜泊鸚鵡洲秋江月

一作江月秋

澄澈鄰船有歌者發調堪

愁絕歌罷繼以泣泣聲通復咽尋聲見其人有婦顏如

雪獨倚帆檣立娉婷十七八夜淚似真珠雙雙隨明月

借問誰家婦歌泣何悽切一問一沾巾

集作襟

低眉竟

集作

終不說

臨卧聽法曲霓裳

前人

金磬玉笙調已久空

集作牙

牀角枕睡常遲蒙籠間夢初

成後宛轉柔聲入破時樂可理心應不謬酒能陶性定

集作信

無疑起嘗殘酌聽餘曲斜背銀釭半下帷

聽歌

前人

管妙絃清歌入雲老人合眼醉醺醺誠知不及當年聽  
猶覺聞時勝不聞

王將軍宅夜聽歌

于武陵

朱檻滿

一作鋪

明月美人歌落梅忽驚塵起處疑有鳳飛

來一曲聽初徹幾年愁暫聞東南正雲雨不得見陽臺

聞歌

李商隱

歛笑凝眸意欲歌  
高雲不動碧嵯峨  
我銅臺罷望歸何處  
玉輦忘還事幾多  
青塚路邊南鴈盡  
細腰宮裏北人過  
此聲腸斷非今日  
杳炮燈光奈爾何

醉間聞甘州

薛逢

老聽笙歌亦解愁  
醉中因遣合甘州  
行追赤嶺千山外  
坐想黃河一曲流  
日暮豈堪征婦怨  
路旁能結旅人愁  
左綿刺史心先死  
淚滿朱絃催白頭

贈歌者

薛能

一字新聲一顆珠，  
轉喉疑是擊珊瑚。  
聽時坐部音中有，  
唱後瓊花葉裏無。  
漢浦蒹葭聞虛解，  
珮臨叩馬用枉當。  
壚誰人得向清樓宿，  
便是仙郎不是虛。

席上贈歌者

鄭谷

花木

集作月

樓臺近九衢，  
清歌一曲倒金壺。  
座中亦有一

作

半是江南客，  
莫向清風

集作清風又作樽前

唱鷓鴣

歌二首

司空圖

處處亭臺只壞牆  
軍營人學內人粧  
太平故事因君唱  
馬上曾聽隔教坊

二

經亂年年厭別離  
歌聲無似太平時  
詞臣更有中興頌  
磨取蓮峰便作碑

同前

王貞白

誰唱關西曲寂寞

一作寥寥

夜景深一聲長在耳  
萬恨重經

心調古清風起曲終  
涼月沉却應筵上客  
未必是知音

舞

舞

梁簡文帝

戚里多妖麗重娉蔑

一作夢

燕餘逐節工新舞嬌態似陵

虛納花承襦襖垂翠逐璫舒扇開衫影亂巾度履行踈  
徒勞交甫憶自有專城居

同前

可憐二八物

初學記作二八初  
類聚作稱二八

逐節似飛鴻懸勝河陽

妓闈與淮南同入行看復進轉面望鬟空腕動昭華玉

衫隨如意風上客何須起啼鳥曲未終

同前應令

劉遵

倡女多嬌色入選盡華年舉脫嫌衫重迴腰覺態妍情  
繞陽春吹影逐相思絃履度開裙袂一作髻轉匝花鈿  
所愁餘曲罷為欲在君前

同前

王訓

新粧本絕世妙舞亦如仙傾腰逐韻管斂色聽張絃袖  
輕風易入釵重步難前笑態千金動衣香十里傳持此

雙類聚作飛鷺定當誰可憐

將比

同前

楊 皦

紅顏自燕趙妙妓邁陽阿就行齊逐唱赴節閭相和折

腰送餘曲斂袖待新歌嚙容生翠羽慢

類聚作曼

睇出橫波

雖稱趙飛燕比此詎成多

同前

徐 陵

十五屬平陽因來入建章主家能教舞城中巧畫粧低

鬟向綺席舉袖拂花黃燭送空邊影衫傳鈴

公合集作鈴

裏

香當筵好留客故作舞衣長

集作裳

同前

庾信

洞房花燭明燕燕餘雙舞舞輕頓履隨疎節低鬟逐上聲伴

類聚作步

轉行初進衫飄曲未成鸞迴鏡欲滿鶴顧市應傾

已曾天上學詎見

類聚作是

地中生

歌妓

夕出通波閣下觀妓

梁孝元帝

娥月漸成光燕姬戲小堂胡舞間齊閣

類聚作湖舞間春閣

鈴盤

出步廊起龍調節鼓却鳳點笙簧樹交臨舞席荷生夾  
妓航竹密無分影花疎有異香提初學記  
作技盃時笑語歡  
茲樂未央

和林下詠妓應令

梁孝元帝

日斜下北閣高宴出南榮歌清隨澗響舞影向池生輕  
花亂粉色風篠雜絃聲獨念陽臺下願待洛川笙

同前

梁昭明太子

炎光向夕斂徙宴臨前池泉將影相得花與面相宜荒

聲如鳥哢舞袖寫風枝歡樂不知醉千秋長若斯

武陵殿下看妓

劉孝綽

燕姬奏妙舞鄭女發清歌迴羞出慢臉送態表顰娥寧  
殊遇行雨詎減見凌波想君愁日落

集作落日

應羨魯陽戈

冬夜對妓

蕭放

見初學記

佳麗盡時年合瞑不能眠銀龍銜燭畏金鳳起爐煙吹  
簾先弄曲調箏更撮絃歌還團扇後舞出妓行前絕代  
終難及誰復數神仙

夜出妓

沈君攸

簾間月色度燭定妓成行迴身釧玉動頓履佩珠鳴低  
衫拂鬟影舉扇起歌聲匣中曲猶奏掌上體應輕

和趙王看妓二首

庾信

綠珠歌扇薄飛燕舞衫長琴曲隨流水簫聲逐鳳凰細

縷纏鐘格

類聚作細  
芭纏鍾板

圓花釘鼓床懸知曲不誤無事畏

周郎

二

長思浣沙

疑作紗

石定憶擣衣砧臨邛若有便

一作使

為說

解琴心

奉和趙王美人春日

庾信

直將劉碧玉來過陰麗華祇言滿屋裏併作一園花  
新藤亂上格春水漫吹沙步搖釵梁動紅綸帔角斜  
今年逐春處先向石崇家

侯司空宅詠妓

陰鏗

佳人遍綺席妙曲動鸛絃樓似陽臺上池如洛浦邊  
鸞

啼歌扇後花落舞衫前翠柳將斜日偏是  
類聚作  
俱照晚粧  
鮮

同前

劉 刪

石家金谷妓粧罷出蘭閨看花只欲笑聞瑟不勝啼山  
邊歌落日池上舞前溪將人當桃李何處不成蹊

酬蕭侍中春園聽妓

李元操

微雨散芳菲中園照落暉紅樹搖歌扇綠珠佩  
初學記  
作飄

舞衣繁絃調對酒雜引動思歸愁人當此夕羞見落花

飛

和衡陽殿下高樓看妓

江總

綺樓侵碧漢  
初日照紅粧  
絃心艷卓女  
曲調動周郎  
並歌時轉黛  
息舞輒分香  
挂纓銀燭下  
莫笑玉釵長

夜間鄰妓

盧思道

倡樓對三道  
吹臺臨九重  
笙隨山上鶴  
笛奏水中龍  
怨歌聲不斷  
妙舞態難逢

初學記  
作雙

誰能輒留客  
解佩一相

從

衡陽王齋閣奏妓

虞 茂

金溝低御道玉管正吟風拾翠天津上迴鸞鳥道中鏡  
前看月近歌處覺塵空今宵織女見言是望仙宮

和許給事善心戲場轉韻

薛道衡

京洛重新年復屬月輪圓雲間壁獨轉空裏鏡孤懸萬  
方皆集會百戲盡來前臨衢車不絕夾道閣相連驚鴻  
出洛水翔鶴下伊川艷質回風雪笙歌韻管絃佳麗儼  
成行相携入戲場衣類何平叔人同張子房高高城裏

髻我我樓上粧羅裙飛孔雀綺帶垂鴛鴦月映班姬扇

風飄韓壽香竟夕漁父

初學記作魚負

燈徹夜龍銜燭歡

初學記作

戲

笑無窮已歌吹還相續羌笛隴頭吟胡舞龜茲曲假

面飾金銀盛服搖珠玉宵深戲未闌競為人所讙卧馳

飛玉勒立騎前銀鞍縱橫既躍劍揮霍復跳丸抑揚百

獸舞盤跚五禽戲狡狴弄斑足巨象垂長鼻青羊跪復

跳白馬回旋駛忽見羅浮起俄看鬱島至峯嶺既崔嵬

林叢亦青翠麇鹿下騰倚猴猿或蹲跂金徒列舊刻玉

律動新灰甲萸垂陌柳殘花散苑梅繁星漸寥落斜月  
尚徘徊王孫猶勞戲公子未歸來共酌瓊蘇酒同傾鸚  
鵡杯普天逢盛日兆庶喜康哉

詠妓

陳子良

金谷多歡宴佳麗正

一作盡

芳菲流霞席上滿迴雪掌中

飛明月臨歌扇行雲接舞衣何必桃將李別有待春暉

和平涼公觀趙郡王妓

弘執恭

小堂羅薦陳妙妓命燕秦蛾

初學記作翠

眉凝假黛紅臉自

含春合舞俱迴雪分歌共落塵齊竿不可厠空願上龍津

詠妓

王勣

妖姬飾淨粧窈窕出蘭房日照當軒影風吹滿路香  
時歌扇薄今日舞衫長不應令曲誤持此試周郎

益州城西張超亭觀妓

前人

落日明歌席行雲逐舞人江前飛暮雨梁上下輕塵  
冶服看疑畫粧臺望似春高車勿遽返長袖欲相親

辛司法宅觀妓

前人

南國佳人至北堂  
羅薦開長裙隨鳳管  
促柱送鸞杯  
雲光身後落雪態  
掌中回到愁金谷  
晚不恠玉山頽

天津橋上美人

駱賓王

美女出東鄰  
容豫上

集作與在

天津整

集作動

衣香滿路移步

襪生塵水下  
看粧影  
眉頭畫月新  
寄言曹子建  
箇是洛川神

戲贈趙使君美人

杜審言

紅粉青娥映楚雲  
桃花馬上石榴裙  
羅敷獨向東方去

謾學他家作使君

觀妓詠和舞

張

諤

一作鶚

半額畫雙蛾  
盈盈燭下歌  
玉杯寒意少  
金屋冶情多  
香艷王分帖  
裙嬌勅賜羅  
平陽莫相妬  
喚出不如他

五日觀妓

萬楚

西施謾道浣春沙

疑作紗

碧玉今時鬪麗華  
眉黛奪將萱

草色紅裙妬  
殺石榴花  
新歌一曲令人艷  
醉舞雙眸斂  
鬢斜誰道五絲能續命  
却知今日死君家

在水軍宴韋司馬樓船觀妓 李白

搖曳帆在空清流順歸風詩因鼓吹發酒為歛歌雄對  
舞青樓妓雙鬟白玉童行雲且莫去留醉楚王宮

邯鄲南亭觀妓

前人

歌妓

集作鼓

燕趙叟

集作兒

魏妹

集作妹

弄鳴絲粉艷爍月彩

集作粉  
色日彩

舞衫拂花枝把酒顧美人請歌邯鄲詞淨

集作清

箏何繚繞度曲綠雲垂平原君安在科斗生古池座客  
三千人于今知有誰我輩不作樂但為後代悲

攜妓登梁王栖霞山蓋

集作孟

氏桃園中

前人

碧草已滿地柳與梅爭春謝公自有東山妓金屏笑坐如花人今日非昨日明日還復來白髮對綠酒強歌心

自

集作已

摧君不見梁王池上月昔照梁王樽酒中梁王

已去明月在黃鸝愁醉啼春風分明感激眼前事莫惜醉臥桃園東

出妓金陵子呈盧六

前人

安石東山三十春，傲然携妓出風塵。  
樓中見我金陵子，何似陽臺雲雨人。

同前

南園新豐酒，東山小妓歌。  
對君君不樂，花月奈愁何。

詠歌容娘

常非月

舉手整花鈿，翻身舞錦筵。  
馬圍行處匝，人簇看場圓。  
歌索齊聲和，情教細語傳。  
不知心大小，容得許多憐。

王家小婦

崔顥

十五嫁王昌盈盈入畫堂自矜年最小復倚墻為郎舞  
愛前溪綠歌憐子夜長閒來鬪百草度日不成粧

岐王席觀妓

前人

二月春來半王家日漸長柳垂金屋暖花發玉樓香拂  
匣先臨鏡調笙更炙黃長將欲舞態只擬奉君王

陪辛大夫西亭宴觀妓

劉長卿

歌舞憐

集作連

遲日旌麾

集作旗

映早春鶯窺隴西將花對

洛陽人醉罷知何事恩深忘此身任他行雨去歸路裏

輕塵

揚州雨中張十七宅觀妓

張謂

夜色帶春煙燈花拂更然殘粧添石黛絕

一作艷

舞落金

鈿掩笑頻歌扇迎歌乍動絃不知巫峽雨何事海西邊

開府席上賦得詠美人名解愁 盧綸

不敢苦相留明知不自由顰眉乍欲語歛笑又低頭舞態無些醉歌聲似帶羞今朝總見地只守解人愁

和王秀才傷歌妓

見詩三百五卷

溫庭筠

周員外出雙舞柘枝妓

張祐

畫鼓拖環錦臂攘小娥雙換舞衣裳  
金絲塵霧紅衫薄  
銀蔓垂花紫帶長  
鸞影乍迴頭並集作對舉鳳聲初歇翅

齊張一時折腕招殘拍斜紋輕身拜玉郎

文苑英華卷二百十三

欽定四庫全書

文苑英華卷二百十四

宋 李昉等 編

人事一

宴集六十七首

同集晉安兒宅

劉孝綽

夫君追宴喜十日遞來過築室華池上開軒臨芰荷方

塘交密篠對雷接繁柯景移林改色風度

類聚  
作去

水餘波

洛城雖半

集作  
未

掩愛客待驪歌

後園宴樂

魏 收

東馬輕燕外獵雉陋秦中朝車轉夜轂仁旗指旦風式  
宴臨平圃展衛寫屠宮積崖疑造化導水逼神功樹靜  
歸烟合簾疎返照通一逢堯舜日未假北山叢

月下秋宴

前 人

此夕甘言宴月照露方塗使星疑向蜀劒氣不關吳良  
交契金水上客慰萱蘇何必應劉蕈還來遊鄴都

齊韋道遜晚春宴

邢子才

日斜賓館晚風輕  
麥候初簾喧巢幕  
鷺池躍戲蓮魚石  
聲隨流響桐影傍  
巖疎誰能千里外  
獨倚八行書

羣公高宴

楊訓

中郎數奏罷司隸  
坐朝歸開筵引貴  
客饌玉對春暉塵  
起金吾騎香逐令  
君衣綠酒犀為椀  
鳴琴寶作徽寸陰  
良可惜千金本易  
揮

後園宴

盧思道

嘗聞崑閭有神仙  
雲冠羽佩得長年  
秋夕風動三珠樹

春朝露濕九芝田不如鄴城佳麗所玉樓銀閣與天連  
太液回波千丈映上林花樹百枝燃流風續洛渚行雲  
在南楚可憐白水神可念青樓女便妍不差澀遙艷工  
言語池苑正芳菲得戲不知歸媚眼臨歌扇嬌香出舞  
衣纖腰如欲斷側髻似能飛南樓日已暮長簷鳥應度  
竹殿遙聞鳳管聲虹橋別有羊車路携手傍花叢徐步  
入房櫳欲眠衣先解半醉臉逾紅日日相看轉難厭千  
嬌萬態不知窮欲知妾心無劇已明月流光滿帳中

後渚置酒

陳叔達

大渚初驚夜中流沸鼓輶寒沙蒲曲浦夕霧上耶溪岸  
廣鳬飛急雲深鴈度低嚴關猶未遂

一作遠

此夕待晨雞

夏晚尋于政世置酒賦韻

陳子良

聊從嘉遁所酌醴共抽簪以茲山水地留連風月心長  
榆落照盡高柳暮蟬吟一反桃源路別後難追尋

冬日宴于庶子宅各賦一字得趣

令狐德棻

高門聊命賞羣英於此遇放曠山水情留連文酒趣夕  
煙起林蘭霜枝殞庭樹落景雖已傾歸軒幸能駐

賦得盃

于志寧

陋巷朱軒擁衡門綬騎來俱裁七步詠同傾三雅盃色  
動吟春柳花發犯寒梅賓筵半未醉驪歌不用催

賦得鮮

劉孝孫

解襟遊勝地披雲促宴筵清文振筆妙高論寫言泉凍  
柳含風落寒梅照日鮮驪歌雖欲奏歸駕且留連

賦得歸

許敬宗

倦遊嗟落拓

集作  
拓落

短翮暮追飛周醪忽同醉牙絃乃共

揮油雲澹寒色落景靄霜霏累日方投分茲夕諒無歸

賦得平

岑文本

金蘭篤惠好罇酒暢生平既欣投轄賞暫緩望鄉情愛  
景含霜晦落照帶風輕於茲歡宴洽寵辱詎相驚

賦得節

杜正倫

李門余妄進徐榻君恒設清論暢玄言雅琴飛白雪寒

雲暖落景朔風淒暮節方欣投轄情且駐當歸別

賦得色

封行高

夫君敬愛重歡言情不極雅引發清音麗藻窮調節水  
結曲池冰日暖平亭色引滿既盃傾終之以升側

上巳浮江宴韻得遙

王勃

披觀玉京路駐賞金臺趾逸興懷九仙良辰傾四美松  
吟白雲際桂馥清谿裏別有江海心日暮情何已

此篇題得

遙字而詩押美字按歲時雜詠及  
本集自有遙字韻詩今錄于後

上巳年光促中川興緒遙綠齊山葉滿紅洩片花銷泉  
聲喧後澗虹影照前橋遽悲春望遠江路積波潮

聖泉宴韻得泉

前人

披襟乘石磴列席俯春泉蘭氣薰山酌松聲韻野絃影  
飄垂葉外香度落花前興洽林塘晚重岩起夕煙

春日宴樂遊園賦韻得接

前人

帝里寒光盡神臯春望泱梅郊落晚英柳甸驚初葉流  
水抽奇弄崩雲灑方牒清罇湛不空暫喜平生接

三月曲水宴得舒

疑詩中却  
押園字

盧照隣

風煙彭澤里山水仲春園由來弃銅墨本自重琴樽高  
情邈不嗣雅道今復存有美光時彥養得坐山樊門開  
芳杜徑室拒桃花源公子黃金勒仙人紫氣軒長懷去  
城市高詠狎蘭蓀連沙飛白鷺孤嶼嘯玄猿日影巖前  
落雲花江上翻興闌車馬散林塘夕鳥喧

和前得煙

王勃

彭澤官初去河陽賦始傳田園歸舊國詩酒間長筵列

室窺丹洞分樓瞰紫煙  
縈回亘津渡出沒控郊鄺  
鳳琴調上客龍轡儼羣仙  
松石偏宜古藤蘿不記年  
重簷交密樹復磴擁危泉  
抗石晞南嶺乘沙渺北川  
傳巖來築處礧礧入釣前  
日斜真興遠幽楚思涼蟬

宴梓州南亭得池

盧照隣

貳條開勝迹大隱叶冲規  
齋閣分危岫樓臺繞曲池  
長薄狄煙起飛梁古蔓垂  
水鳥翻荷葉山蟲交桂枝  
遊人惜將晚公子愛忘疲  
願得回三舍琴樽長若斯

初秋登王司馬樓宴賦得同 駱賓王

展驥端歸暇登龍喜

集作嘉

宴同締賞三清滿承恩六義

通野晦寒雲

集作陰

積潭虛秋

集作夕

照空顧慙非夢鳥濫

此則雕蟲

春夜韋明府宅宴得春

前人

酌桂陶芳夜披薜笑幽人雅琴馴野

集作魯

雉清歌落梁

集作范

塵宿雲低迴蓋殘月下

集作上

虛輪幸此蒙

集作承

恩

洽聊當故鄉春

冬日宴

前人

二三物外友一百杖頭錢  
賞洽袁公地情披樂令天促  
席鸞觴滿當爐獸炭燃  
何須攀桂樹逢此自留連

初秋宴得風

一作于寶  
六宅宴

前人

千里風雲契一朝心賞同意盡  
通家合集作深  
交冷神靈俗

累空草砌

一作帶

銷寒翠花缸斂

集作枝發  
又作疎斂

夜紅唯將淡

若水長揖古人風

夜飲東亭

宋之問

春水

集作泉

鳴大壑皓月吐層岑岑壑景色佳慰我遠遊

心閒芳足幽氣驚棲

集作嘶

多衆音高興南山吟長謠橫

素琴

春日宴宇主簿山亭得寒字

前人

公子正邀歡林亭春未闌攀巖踐苔易迷路出花難恣  
覆垂楊暖階侵瀑水寒帝城歸路直流興接鴛鸞

春日鄭協律山亭陪宴餞鄭卿同用樓字

前人

潘園枕郊郭愛客過相求樽酒東城外駢驂南陌頭池  
平分洛水林缺見高丘暗竹侵山逕垂楊拂妓樓彩雲  
歌處斷遲日舞前留此地何年別蘭芳空自幽

同劉給事城南宴集

前人

一作  
張說

水竹幽閒地簪纓近侍臣雍容乘暇日蕭洒出囂塵樹  
長栖集作足思朋鳥池深入養鱗管絃高逐吹歌舞妙含春  
老子叨專席歡遊隔縉紳此中情不淺遙寄賞人心

岳州宴別潭州王熊

前人

縉雲連省閣溝水遽西東然諾心猶在容華歲不同孤  
城臨楚塞遠樹入秦宮誰念三千里江潭一老翁

幽州夜飲

前人

涼風吹夜雨蕭瑟動寒林正有高堂宴能忘遲暮心軍  
中多集作宜劍舞塞上重笳音不作邊城將誰知恩遇深

鳳閣尋勝地

前人

西掖持醇酒東山就白雲開軒綠池映命席紫蘭芬舞  
度花為伴鶯來管作羣太平多樂事春物共氛氲

定昆池奉和蕭令潭字韻

前人

暮春三月日重三  
春水桃花滿襖潭  
廣樂逶迤天上下  
仙舟遙行鏡中酣

藥園宴武輅沙將軍得洛字

前人

東地垂餘興  
南園宴清洛  
文學引王枚  
歌鐘陳衛霍  
風高大夫樹  
露下將軍藥  
待聞出塞還  
丹青上麟閣

奉蕭中令酒并詩

前人

樂奏天恩滿  
盃承秋興高  
更蒙蕭相國  
對席飲醇醪

廣州蕭都督入朝過岳州宴餞得冬字

前人

孤城抱大江節使往朝宗  
果是臺中舊依然水上逢京  
華遙比日疲老颯如冬竊羨能言鳥銜恩向九重

夕宴房主簿舍

前人

歲晏關雍空風急河渭冰薄遊羈物役微向怯

集作  
悵遠

憑旅館月宿永間局雲思興伊人美思

集作  
脩

夜朋酒惠

來稱交談既清雅琴吟亦淒凝不逢君騫涸

集作  
裳

憂思

長鬱蒸

岳州宴姚紹之

前人

杞梓滯江濱，光華白日新。  
難兄金作友，媚子玉為人。  
山水含秋興，池亭借善隣。  
蒼松風送靜，院竹鳥來馴。  
翠竿

催

集作吹

黃菊凋盤繪紫鱗，緩歌將醉舞宜

集作為

拂繡衣

塵

脩書學士奉勅宴梁王宅得樹字

前人

虎殿成鴻業猿巖題鳳賦既荷大君恩還蒙小山遇秋  
吹凝絃管涼雲生竹樹共惜朱邸歡無辭洛城暮

秋社日崇讓園宴得新字

蘇頲

題見雜  
詠

鳴爵三農稔勾龍百代神運昌叨輔弼時報喜黎人樹  
缺池光近雲開日影新生全應有地長願樂交親

寒食宴于中舍別駕兄弟宅 前人

子推山上歌龍罷定國門前納馬來始覩元鷗鏘玉至  
旋聞季子佩刀回晴花處處因風起御柳條條向日開

自有長筵歡不極還將

一作持

彩服詠南陔

天津橋東旬宴得歌字

張九齡

清洛象天河東流形勢多朝來逢宴喜春盡却妍和泉

鮪歡時躍林鶯醉後歌賜恩頻若此為樂今奈

集作奈人

何

雲陽驛陪崔使君仰道士夜宴

張子容

一尉東南遠誰知此夜歡諸侯傾皂蓋仙客整黃冠染  
翰燈花滿飛觴雲氣寒欣承國士遇更借美人看

濟州過趙叟家宴

王維

雖與入境接閉門成隱居道言壯叟事儒行魯人餘深  
巷斜暉靜閒門高柳疎荷鋤脩藥圃散帙曝農書上客  
搖芳翰中廚饋野蔬夫君第高飲景晏出林閭

與盧象集朱家

前人

主人能愛客終日有逢迎貫得新豐酒復聞秦女箏柳  
條疎客舍槐葉下秋城語笑且為樂吾將達此生

宴越府陳法曹西亭

孫逖

見集本

公府西巖下紅亭間白雲雪梅初度臘煙竹稍迎曛水

木涵澄影簾籠引霽氛江南歸思逼春鴈不堪聞

和韋和尚兄春日南亭宴兄弟

兄在京

前人

臺閣升高位園林隔舊鄉忽聞歌棣萼還比報瓊芳門  
向宜春近郊連御宿長德星常有會相望在文昌

洛陽客舍逢祖詠留宴

蔡希寂

綿綿鐘漏洛陽城客舍貧居絕送迎逢君貰酒因成醉  
醉後焉知世上情

與王昌齡宴王十一

孟浩然

歸來卧青山嘗覓在

一作嘗  
夢遊

清都漆園有傲吏惠縣

一作

好在招呼書幌神仙錄畫屏山海圖酌霞復對此宛似

入蓬壺

奉先張明府休沐還鄉海亭宴集探得堦字

前人

自君理畿甸余亦經江淮萬里音書斷數年雲雨乖歸

來休澣日始得賞心諧朱綬

集作  
綬

恩雖重滄州趣每懷

樹低新舞閣山對舊書齋何以發秋興陰蟲鳴夜堦

夏日與崔二十一同集衛明府席

一作夏日宴  
衛明府宅遇

北使

前人

言避一時暑池亭五月開喜逢金馬客同飲玉人盃舞  
鶴乘軒至遊魚擁劍來坐中殊未起簫管莫相催

盧明府早秋宴張郎中海園即事得秋字

前人

邑有絃歌宰翔鸞已狎

一作野狎  
又作狎野

鷗眷言華省舊暫拂

海池遊鬱島藏深竹前溪對舞樓更聞書即事雲物是

清

集作新  
又作高秋

宴包二融宅

前人

閒居枕清洛左右接人野門庭無雜賓車轍多長者是  
時方盛夏風物自瀟洒五月休沐歸相攜竹林下開襟  
成歡趣對酌一作酒不能罷煙暝棲鳥迷余將歸白社

宴張記室宅

前人

甲第金張館門庭軒

一作車

騎過家封漢陽郡文會楚材

多曲島浮觴酌前山入詠歌妓堂花映發書閣

一作閣

柳

逶迤玉指調箏柱金泥飾舞羅寧知書劍者歲月獨蹉跎

清明日宴梅道士房

此詩見二百二十六卷

前人

寒夜張明府宅宴

前人

瑞雪初盈尺閒宵始半更列筵邀酒伴刻燭限詩成香炭金爐煖嬌絃玉指清醉來方欲臥不覺曉雞鳴

襄陽公宅飲

前人

窈窕夕陽佳丰茸春色好欲覓淹留處無過狹斜道綺

席卷龍鬚香床

集作杯

浮瑪瑙北林積脩樹南池生別島

手撥金翠花心迷玉紅草談笑

集作天

光六義發論明三

倒座非陳子驚門還魏公掃榮辱

集作草

應無間歡娛當

共保

臨渙裴贊

集作裴明府

席遇張十六

集一作房六

前人

河縣柳林邊河橋晚泊船文叨才子會官喜故人連笑

語同今夕輕肥異往年晨風理征棹吳楚各悠然

集作理  
歸棹

夜宴左氏莊

杜甫

風林纖月落衣露靜琴張暗水流花逕春星帶草堂  
書燒燭短看劍引盃長詩罷聞吳詠扁舟意不忘

上巳日徐司錄林園宴集

前人

鬢毛垂領白花蘂亞枝紅歌倒衰年廢招尋令節同薄  
衣臨積水吹面受和風有喜留攀桂無勞問轉蓬

崔駰馬山亭醺集

前人

蕭史幽棲地林間跼鳳毛  
汙流何處入亂石閉門高  
客醉揮金椀詩成得綉袍  
清秋多醺會終日困香醪

陪李北海宴歷下亭

前人

東藩駐皂蓋北渚凌清河  
海右此亭古濟南名士多  
雲山已發興玉佩仍當歌  
脩竹不受暑交流空湧波  
蘊真

海右川  
本作海

內

湘江宴餞裴二端公赴道州 前人

白日照丹旆，朱旗散廣川。  
羣公餞南北，肅肅秩初筵。  
鄙人奉末眷，佩服自早年。  
義均骨肉地，懷抱罄所宣。  
盛名富事業，無取媿高賢。  
不以喪亂嬰，保愛金石堅。  
計拙百僚下，氣蘇君子前。  
會合苦不久，哀樂本相纏。  
交遊颯向盡，宿昔浩茫然。  
促觴激萬慮，掩抑淚潺湲。  
熱雲初集黑，川本作曛缺月未上天。  
白團為我破，華燭蟠長煙。  
鵠鷗催明星，解袂從此旋。  
上請減兵甲，下請安井田。  
永念病渴老

附書遠山巔

宴王使君宅題二首

前人

漢主追韓信蒼生起謝安  
吾徒自飄泊世事各艱難  
逆旅招要近他鄉思緒

集作意緒

寬不才甘朽質高臥豈泥蟠

二

汎愛容霜鬢

一作髮

留歡上夜關

世傳杜子美不避家諱詩中兩押開字麻沙傳

孫覲杜詩押韻作卜夜開北斗開今英華元本亦作卜夜開其實皆非也或改作夜關又不在韻按卞氏園集注杜詩及別本自是留歡上夜關盖有投轄之意上字訛為卜開字訛為開耳北斗開者漢書有朱旗絳天今

子美諸將七言詩既云魯閃朱旗北斗開則是因朱旗  
絳天閃見斗亦赤本是殷字於顏切紅色也後本殷周  
之殷於今切盛貌脩書時宣宗諱殷正緊音雖不同字  
則一體或改作開今既祧不諱則是殷字又何疑焉文  
苑不載北斗殷之詩偶

論疑兩開字故併及之

自吟詩送老相勸酒開顏戎馬

今何地鄉園獨舊

集作在

山江湖墜清月酩酊任扶還

陪章侍御宴南樓得風字

前人

絕域長夏晚茲樓清宴同朝廷燒棧北鼓角漏天東屢  
食將軍地仍騎御史驄本無丹竈術那免白頭翁寇盜  
狂歌外形骸痛飲中野雲低度水簷雨細隨風出號軍

江集作

城黑題詩蠟燭

炬集作

紅此身醒復醉不擬哭途窮

曲江陪鄭八丈南史飲

前人

雀啄江頭楊柳花  
鷓鴣鷓鴣滿晴沙  
自知白髮非春事  
且盡芳樽戀物華  
近侍即今難浪跡  
此身那得更無家  
丈人才力猶強健  
豈傍青門學種瓜

文苑英華卷二百十四

欽定四庫全書

文苑英華卷二百十五

宋 李昉等 編

人事二

宴集六十八首

陪宋中丞武昌夜飲懷古 李 白

清景南樓夜風流在武昌庾公愛秋月乘興坐胡床龍  
笛吹寒水天河落曉霜我心還不淺懷古醉餘觴

流夜郎至江夏陪長史叔及薛明府宴興德寺

南閣

前人

紺殿橫江上青山落鏡中  
岸回沙不盡日映水成空  
天樂流香閣蓮舟颺晚風  
恭陪竹林宴留醉與陶公

春日陪楊江寧及諸官宴北湖感古

前人

昔聞顏光祿攀龍宴明

集作京

湖樓船入天鏡帳殿開雲

衢君王歌大風如樂豐沛都  
延年獻佳作邈與詩人俱  
我來不及此獨立鍾山孤  
楊宰穆清風芳聲騰海隅  
英

寮光簪組

集作滿  
四坐

粲然

集作  
若

瓊林敷鷁首弄倒景蛾眉

掇明珠新絃綵

一作採  
集作來

黎園古舞嬌吳歆曲度繞雲漢

四座

集作  
聽者

皆歡娛雞栖何嘈嘈松

集作  
沿

月拂笙竽古之

帝宮苑今乃人樵蘇感此勸一觴願君覆瓢壺盛時當作樂無令後賢吁

趙都護宅宴別

盧

象

見集  
本

結客候旌麾元戎復在斯文開都護府兵動羽林兒點虜多翻覆謀臣有別離智同天所授恩共日相隨漢使

開賓幕胡笳送酒卮風霜迎馬首雨雪事魚麗在策應  
無戰深情屬載馳不應行萬里明主寄安危

宴吳王宅

祖

詠

見集本

吳王承國寵列第禁城東連夜徵辭客當春試舞童砌  
分池水岸窓度竹林風更待西園月金樽樂未終

清川口宴張郎中別業

前人

田家復近臣別業不遺親霽日園林好清明煙火新以  
文常會友唯德自成鄰池沼窓陰晚杯觴藥味春簷前

花覆地竹外鳥窺人何必桃源裏深居作隱淪

何九於客舍集

王昌齡

客有住桂陽亦如巢林鳥罍觴且終宴功業曾未了山  
月空齋時江月高樓曉門前泊舟楫行次入松篠此意  
投贈君滄波風嫋嫋

晦日陪辛大夫宴南亭

劉長卿

月晦逢休澣年光逐宴移早鶯留客醉春日為人遲  
莫  
草全無葉梅花遍壓枝政閒風景好莫比峴山時

同諸公袁郎中宴筵喜加章服

前人

手詔來筵上腰金尚粉闌  
勲名傳舊閣蹈舞著新衣  
白社同遊在滄洲此會稀  
寒笳發後殿秋草送西歸  
世難常摧敵時間已息機  
魯連功可讓千載一相輝

西庭夜宴喜評事兄拜命 前人

猶是南州吏江城又一春  
隔簾湖上月對酒眼中人  
棘寺初銜命梅仙已誤身  
無心羨榮祿唯侍却垂綸

惠福寺與陳劉諸官茶會得西字

前人

到此機事遣自嫌塵網迷因知萬法幻盡與浮雲齊疎

竹映高枕空花隨杖藜香飄諸天外日隱雙林西傲

集作

微吏方見狎真僧幸相携能令歸客意不復還東溪

夏日宴魏萬成湘水亭

前人

何年家在此江濱

一作濱

幾度門前北渚春白髮亂生相

顧老黃鶯自語豈知人

梁州陪趙行軍龍崗寺北庭泛舟宴王侍御得

長字

岑參

誰宴霜臺使行軍粉署郎  
唱歌江鳥沒吹笛岸花香  
酒影搖新月灘聲聒夕陽  
江鐘聞已暮歸棹綠川長

早春陪崔中丞浣花溪宴得暄字

張謂

旌節臨溪口寒郊斗覺暄  
紅亭移酒席畫鷁逗江村  
雲帶歌聲颭風飄舞袖翻  
花開催東燭川上欲黃昏

讌鄭伯璵宅

前人

正月風光好逢君上客稀  
曉風吹鳥嘯春雪帶花飛  
堂上吹金管庭前試舞衣  
俸錢供酒價行子未須歸

郡南亭子宴

集作春宴

前人

亭子春城外朱門向綠林  
柳枝經雨重松色帶煙深  
灑酒迎仙客穿池集水禽  
白雲常在眼聊足慰人心

夜同宴用人字

前人

北斗回新歲東園值早春  
竹風能醒酒花月解留人  
邑

宰陶元亮山家鄭子真平生頗同道相見日相親

春園家宴

前人

南園春色正相宜老婦同行少婦隨竹裏登臺人不見  
花間覓路鳥先知櫻桃解結垂簷子楊柳能低入戶枝  
山簡醉來歌一曲參差笑殺郢中兒

與從弟正字從兄兵曹宴集林園

李嘉祐

竹牕松戶有佳期美酒香茶慰所思輔嗣外甥還解易

惠連羣從總能詩  
簷前花落春深後  
谷裏鶯啼日暮時  
去路歸程仍待月  
垂鞭不控馬行遲

晚春宴集無錫蔡長官

集作明府

西亭

前人

茅簷間寂寂無事覺  
人和井近時澆圃城  
低下見河興  
綠芳草積情向遠  
峯多別日歸吳地  
停橈更一過

秋晚招隱寺東峰茶宴

送內弟閻伯均歸江州

前人

萬畦新稻傍山村數里深松到寺門幸有香茶留釋子  
不堪秋草送王孫烟塵怨別唯愁隔井邑蕭條誰忍論  
莫恠臨歧獨垂淚魏舒偏念外家恩

此詩二百三十六卷重出今已削去

夜宴南陵留別

前人

雪滿前庭月色閒主人留客未能還預愁明日相離處  
匹馬千山與萬山

秋夜與梁鎰宴

錢起

客到衡門

集作  
閑林

下林香芳蕙時

集作林香  
蕙草時

好風時

集作  
能

自至明月不須期秋水翻荷影晴霜脆柳枝

集作  
綠

微官

是底物許日廢言詩

陪考功王

集作  
韋

員外城東池亭宴

前人

無雙錦帳郎絕景有池塘

集作絕境  
有林塘

鶴靜疎羣羽蓮開

失衆芳青

集作  
晴

山看不厭流水趣何長日晚催歸騎鐘

聲促

集作  
下

德陽

太子李舍人城東別業與二三文友逃暑

前人

下馬失炎暑重門深綠簾宮臣禮嘉客林表開蘭堂茲

日

一作夕

興難盡澄壘照墨場東林晚來好極目趣何長

鳥道掛疎雨人家殘夕陽城隅擁歸騎留酌

集作醉

戀瓊

芳

奉陪郭常侍宴瀍水山池

前人

掖垣携愛客勝地賞年光向竹過賓館尋山到妓堂歌

聲掩金谷舞態出平陽池滿簪裙影花添蘭麝香鶯啼  
春未老酒冷日猶長安石風流事須歸騎省郎

陪郭常侍令公東亭宴集

前人

盛業山河列重名劍履榮珥貂為相子開閣引時英美  
景池臺色佳期宴賞情詞人載筆至仙妓出花迎暗竹  
朱輪轉回塘玉珮鳴舞衫招戲蝶歌扇隔啼鶯飲德心  
皆醉披雲興轉清不愁歡樂盡積慶在和羹

春夜皇甫冉宅歡疑酒

張繼

流落時相見悲歡共此情興因罇酒洽愁為故人輕暗  
滴花垂露斜暉月過城那知橫吹曲江外作邊聲

褚主簿宅會畢庶子錢員外郎使君

韓 翃

開甕臘酒熟主人心賞同暮天疎竹上殘雪亂山中更  
喜宣城印朝廷與謝公

華州夜宴庾侍御宅

前 人

世故他年別心期此夜同千峯孤燭外片雨一更中酒

客逢山簡詩人得謝公自憐驅匹馬拂曙向關東

春日陪兩省諸公宴張舍人宅 郎士元

懶尋芳草徑來接待臣筵山色知殘雨墻陰覺暮天鶯  
歸漢宮柳花隔杜陵烟地與東城接春光醉目前

春宴王起城東別業 前人

柳陌乍隨洲勢轉花源忽傍竹陰開能令瀑水清人境  
直取流鶯送酒杯山下古松當綺席簷前片雨滴春苔  
地主同聲復同舍留連不畏夕陽催

宴趙氏昆季書院

盧綸

詩禮挹餘波相歡在琢磨  
琴樽方會集珠玉忽駢羅  
謝族風流盛于門福慶多  
花攢騏驎櫺錦綯鳳凰  
窠詠雪因饒妹書經欲換  
鵝仍聞廣練被更有遠儒  
過

春日喜雨奉陪馬侍中宴白樓 前人

鸛鵲相呼綠野寬  
鼎臣間倚玉欄干  
黃河擁沫流仍急  
蒼嶺和雲色更寒  
艷艷風光呈瑞歲  
泠泠歌頌振瑀盤

今朝醉舞同鄉老  
不覺頻傾

集作  
歌

獅豸冠

九日奉陪渾侍中宴白鶴樓 前人

露白菊氛氲西樓盛襲文王筵秋令節金鉞漢元勲說  
劍風生座抽琴鶴遶雲謏儒無以答願得備前軍

此詩三百十二卷重出今已削去

和李太守早秋城北亭宴司士因寄關中兄弟

見三百  
十六卷

丁評事宅秋夜宴集

柳中庸

翠幕卷回廊銀燈開後堂風驚擁砌葉月冷滿庭霜綺

席人將醉繁絃夜未央共憐今促席誰道客愁長

郡齋雨中與諸文士宴集

韋應物

兵衛森畫戟宴寢凝清香海上風雨至逍遙池閣涼煩

痾近

集作正

消散嘉賓復滿堂自慙居處崇未覩斯民康

理會是非遣性達形跡忘鮮肥屬時禁蔬菓幸見嘗俯

飲一杯酒仰聆金玉章神歡體自輕意欲

集作氣

凌風翔

吳中盛文史羣彥今汪洋方知大藩地豈曰財賦強

宴李錄事

前人

與君十五侍皇闈  
曉拂爐烟上玉墀  
花開漢苑經過處  
雪下驪山沐浴時  
近臣零落今誰在  
仙駕飄飄不可思  
此日相逢思曩

集作舊

日一杯成喜亦成愁

軍中久宴

前人

滄海已云晏  
皇恩猶念勤  
宴論

集作式宴

徧恒秩柔遠  
迨

集作

及斯人茲邦  
實大藩  
伐鼓軍樂陳  
是時冬服成  
戎士氣

益振虎竹謬  
朝寄英賢  
降上賓  
徒罄周旋禮  
愧無海陸

珍庭中九劒  
爛堂上歌吹  
新光景不知  
晚  
餽杓

集作酌

豈

能

一作言

頻簾

集作單

醪昔所感大釀况同忻顧謂軍中士

仰答何由申

翫花與衛長林

二字集作象

同醉

司空曙

衰鬢千莖雪

集作白

他鄉一樹花今朝與君醉忘却在長

沙

早春夜集耿拾遺宅

李端

如何逋客會忽在侍臣家新草猶停雪寒梅未稱花銜  
杯雞欲唱逗月鴈應斜年齒俱憔悴誰堪故國賒

軍中醉飲寄沈八劉叟

暢當

酒渴愛江清，餘酣漱晚汀。  
軟莎歌坐穩，冷石醉眠醒。  
野膳隨行帳，華音發從伶。  
數盃君不見，都已遣沈冥。

偶宴西蜀摩訶池

前人

珍木鬱波池，風荷左右披。  
淺觴寧及醉，慢舸不知移。  
蔭簾流光冷，凝簪照影歌。  
胡為獨羈者，雪涕向漣漪。

殷卿宅夜宴

張南史

日暗城烏宿，天寒樞馬嘶。  
詞人留上客，妓女出中閨。  
積

雪連燈照回廊映竹迷太常今夜宴誰不醉如泥

陸璞宅秋暮雨中探韻同作

已見一百五十三卷

前人

江鄉故人偶集客舍

戴叔倫

天秋月又滿城闕夜千重還作江南會翻疑夢裏逢風

枝鳴散

集作驚暗

鵲露草覆寒蛩羈旅長堪醉相留畏曉鐘

勸陸三

前人

寒郊好天氣勸酒莫辭頻擾擾鍾陵市無窮不醉人

奉酌盧端公飲後贈諸公見示之作

前人

佐幕臨戎

集作人

旌旆間五營無事萬家閒風吹楊柳漸

拂地日映樓臺欲下山綺席畫開留上客朱門半掩擬

重關當時不敢辭先醉悟

一作誤

逐羣公倒載還

此詩二百四十四卷重出今已削去

奉陪李大夫九日龍沙宴會

得遲字

權德輿

龍沙重九會千騎駐旌旗水木秋光淨絲桐雅奏遲烟  
蕪斂暝色霜菊發寒姿今日從公醉全勝落帽時

韋賓客宅與朱博士宴集

前人

累抗乞身章湛恩比上庠賓筵徵稷嗣家法自扶陽簪  
組歡言久琴壺雅興長陰嵐冒苔石輕籟韻風篁佩玉  
三朝貴揮金百慮忘因知臥商雒豈勝白雲鄉

閨春宴花溪嚴侍御莊

戊 昱

一團春翠色云是子陵家山帶新晴雨溪留閨月花瓶

開巾漉酒地拆筍抽芽綵縵承顏服朝朝奏白華

冬夜宴梁十二廳

前人

故人能愛客秉燭會吾曹家為朋徒罄心緣翰墨勞夜  
寒銷臘酒霜冷重綈袍醉臥西窓下時聞鴈響高

宴城東莊

崔惠

一月生人笑幾回相逢相值且銜杯眼看春色如流水  
今日殘花昨日開

同前

崔敏童

一年過又一年春百歲曾無百歲人能向花中幾回醉  
十千沽酒莫辭貧

五言奉和顏使君修韻海畢州中重宴

釋皎然

世學高南郡身封盛魯邦九流宗韻海七字挹文江借  
賞雲歸堞留歡月在窓不知名教樂千載與誰雙

五言冬至日陪裴端公使君清水堂宴集

前人

亞歲崇高

雜咏  
作嘉

宴華軒照綠波渚芳迎氣早山翠向晴

多推往知時訓書羣

疑作  
祥

辨政和從公惜日短留賞夜

如何

五言晦日陪顏使君白蘋洲集得東字

前人

南朝分古郡山水似湘東堤月吳風在洲居

雜咏作  
蒲車

楚

客同桂寒初結旆

雜咏  
作佩

蘋小欲成叢時晦佳遊促高歌

聽未終

五言陪盧判官水堂夜宴

前人

暑氣當宵盡徘徊坐月前靜依山堞近涼入水屏偏久  
是栖林客初逢佐幕賢愛君高野意烹茗酌淪漣

春夜與諸公同宴呈陸郎中 前人

南國宴佳賓交情老倍親月慙紅淚燭花笑白頭人寶  
瑟絙一作恒餘怨瓊枝不讓春更聞歌子夜桃李艷粧新

春晚奉陪相公西亭宴集 武元衡

林一作花苑春向闌高會重邀歡感物惜芳景放懷因綵

翰玉顏穠處並銀燭焰中看若折持相贈風光益別難

奉陪相公西亭夜宴陸郎中 崔 備

賓閣玳筵開通宵遶玉杯塵隨歌扇起雪逐舞衣迴剪  
燭清光發添香煖氣來令君敦宿好更為一徘徊

同前

王良士

芳氣襲倚蘭青雲展舊歡仙來紅燭下花發綵毫端海  
岳期方遠松筠歲正寒仍聞言贈處一字重琅玕

同前

蕭 祐

宏閣陳芳宴佳賓此會難交逢貴日重醉得少時歡斂  
黛凝歌思求音足筆端一聞清佩動珠玉夜珊珊

同前

盧士政

華堂良宴開星使自天來舞轉朱絲

一作絃

逐歌餘素扇

回水光臨曲檻夜色靄高臺不在賓階末何由接上台

同前

獨孤寔

仙郎膺上才夜宴接三台燭引銀河轉花連錦帳開靜  
看歌扇舉不覺舞腰回寒落東方曙無辭盡玉杯

和劉員外陪韓僕射野亭公宴

楊巨源


好客風流瑋瑁簪重簷高幕曉沉沉綺筵霜重旌旗滿  
玉帳天清絃管聲繁戲徒過魯儒目衆歡方集漢郎心  
寒砧一曲嚴城暮雲騎連嘶香外林

邵州陪王郎中宴

前人

西塞無塵多玉筵貔貅駕鷺儼相連紅茵照水開樽俎  
翠幕當雲發管絃歌態曉臨團扇靜舞容春映薄衫妍

魯儒縱使他時有不似歡娛及少年



文苑英華卷二百十五

欽定四庫全書

集部

文苑英華卷二百

十六至二十

詳校官太僕寺少卿

臣李廷欽

助教臣常循履勘

總校官進士

臣朱鈐

校對官編修

臣廬燧

謄錄監生

臣王貽桂

欽定四庫全書

文苑英華卷二百十六

宋 李昉等 編

人事三

宴集五十六首

九日陪樊尚書龍山宴集

楊 衡

孟嘉從宴地十乘復登臨綠危陟高步憑曠寫幽襟黃  
花散初馥翠物喜盈斟雲雜組繡色樂和山水音旆搖  
秋吹急筵卷夕光沉都人瞻騎火猶知隔寺深

欽定四庫全書

文苑英華  
卷二百十六

上巳日陪齊相公花樓宴

盧 綸

鍾陵暮春月飛觀延羣英晨霞耀中軒滿席羅金瓊持  
盃凝遠睇觸物結幽情樹杪參差綠湖光潋灩明禮卑  
瞻絳帳思決廁華纓徒記山陰興雜詠作今念此雜詠作今乃  
為榮

冬夜宴河中李相公中堂命箏歌送酒

劉禹錫

琅琅

集作朗朗

鵲鷄絃華堂夜多思簾外雪已深座中人半

醉翠娥發清響曲盡有餘意酌我莫憂狂老來無逸氣  
此詩三百十四卷重出今已削去

王少尹宅宴張常侍二十六兄白舍人太監兼

呈盧郎中李員外副使

一作二  
副使

前人

將星夜落使星來三省清晨到外臺事重各銜天子詔

禮成同把友

集作  
故

人盃卷簾松竹雪初霽滿院池塘春

欲迴第一林亭迎好客殷勤莫笑

集作  
惜

玉山頽

此詩一百五十卷重出今已削去

同年春讌

孟郊

少年三十士嘉會良在茲高歌搖春風醉舞摧花枝意

動婉婉

集作晚

景喜凝芳菲時馬跡攢驤裏樂聲韻

集作運

參差視聽改舊趣物象合

集作合

新姿紅雨花上滴綠煙

柳際垂淹中講精義南皮戲清詞前賢與今人千載為

一期明鑒有皎潔澄

集作良

玉無磷溜永將

集作與

泥沙別

各整霄

集作雲

漢儀盛氣自中積英名日四馳塞鴻無

集作

絕  
儔匹海月難等夷鬱抑忽已盡親朋樂無涯幽蘅發  
空曲芳杜綿所思浮跡自聚散壯心誰別離願保金石  
志無令有奪移

寒食內宴二首

張籍

朝光瑞氣滿宮樓綵繡魚龍四面稠廊下御廚分冷食  
殿前香騎逐飛毬千官盡醉猶高坐百戲皆呈亦未  
休未共喜拜恩侵夜出金吾不敢問行由

二

城闕沉沉向曉寒恩當冷節賜餘歡瑞煙深入

集作入

處開

三殿春雨微時引百官寶樹樓前分翠幕綵花廊下映

朱

集作華

欄宮庭戲樂年年別已得三迴對御看

三原李氏園宴集

前人

暮春天早熱邑居苦囂煩言從君子樂樂彼李氏園園

中有草堂池引涇水泉開戶西北望遠見差峩山借問

主人翁北州佐戎軒僕夫守舊宅為客施華筵高懷有

餘興

一作膏壤有餘滋

滋竹

一作樹

芳且鮮傾我所持觴盡日共

留連踈拙不偶俗常喜形體閒況來幽棲地能不重笑  
言

郡中春讌因贈諸客

白居易

僕本儒家子待詔金馬門塵忝忝親近地孤負聖明恩一  
旦奉優詔萬里牧遠人可憐島夷帥自稱為使君身騎  
牂牁馬口食巴

集作  
奎

江鱗暗淡緋衫故爛編白髮新是

時歲二月玉歷布春分頒條示皇澤命宴及良辰冉冉  
趨府吏蚩蚩聚州民有如蟄蟲鳥亦應天地春薰草蓆

鋪座藤枝酒注樽中庭無平地高下隨所陳鑾鼓聲坎  
坎巴女舞蹲蹲使君居上頭掩口語衆賓勿笑風俗陋  
勿欺官府貧蜂窠集作巢與蟻穴隨分有君臣

六年寒食洛下宴遊贈馮李二少尹

前人

豐年寒食節美景洛陽城三尹皆強健七日盡晴明東  
郊踏青草南園攀紫荆風折海榴艷露墜木蘭英假開  
春耒老宴洽日屢傾珠翠混花影管絃藏水聲佳會不

易得良辰亦難并聽吟歌暫輟看舞盃徐行米價賤如  
土酒味濃如餠此時不盡醉但恐負平生殷勤二曹長

各捧一銀瓶

集作  
觥

郡樓夜宴留客

前人

北客勞相訪東樓為一開  
寒簾待月出把火看潮來  
艷唱竹枝曲香傳蓮子盃  
寒天殊未曉歸騎且遲迴

飲散夜歸贈諸客

前人

鞍馬夜紛紛香街起暗塵  
迴鞭招醉飲

集作  
飲

妓分火送歸

人風月應堪惜  
盃觴莫厭頻  
明朝三月盡  
忍不送殘春  
與諸同年賀座主侍郎新拜太常同宴蕭尚書  
亭子座主於蕭下及第得羣字

前人

寵新卿典禮會盛  
客徵文不失遷  
鸞侶因成賀  
鷺羣池  
塘晴間雪冠蓋  
暮如雲共仰曾  
攀處年深桂尚  
薰

東都冬日會諸同年宴鄭家林亭得先字

前人

盛時陪上第暇日會羣賢桂折應同樹鵲遷各異年賓  
階紛組綬集作佩妓席儼花鈿促膝齊榮賤差肩次後先  
助歌林下水銷酒雪中天他日昇沉者無忘共此筵

宴散

前人

小宴追涼散平橋步月迴笙歌歸院落燈火下樓臺殘  
暑蟬催盡新秋鴈帶來將何迎睡興臨臥舉殘盃

與諸客空腹飲

前人

隔宿書招客平明飲暖寒麪神寅日合酒聖卯時歡促

膝纔飛白醺顏已渥丹  
碧籌攢米盃紅袖拂散盤  
醉後歌尤易狂來舞何難  
拋盃語同坐莫作老人看

宴周皓大夫光福宅

前人

何處風光最可憐  
妓堂階下砌臺前  
軒車擁路光照地

絲管入門聲徹

一作沸

天綠蕙不香  
饒桂酒紅櫻無色讓

花鈿野人不敢求  
他事唯借流泉

集作泉聲

伴醉眠

夜宴惜別

前人

笙歌旖旎曲終頭  
轉作離聲滿座愁  
箏怨朱絃從此斷

燭啼紅淚為誰流  
夜長似歲歡宜盡  
醉未如泥飲莫休  
何況雞鳴即須別  
門前風雨冷脩脩

蘇州郡齋旬假始命宴呈座客示羣寮

前人

公門日兩衙  
公假月三旬  
衙用決簿領  
旬以會親賓  
公多及私少  
勞逸常不均  
況為劇郡長  
安得閒宴頻  
下車已三月  
開筵始今辰  
初黥軍廚突  
一拂郡榻塵  
既備獻酌禮  
亦具水陸珍  
萍醕若集作溪醕  
水鱠松江鱗  
脩食

樂懸動佐歡妓席陳風流吳地客佳麗江南人歌節點  
隨袂舞香遺在茵清奏凝未闋醅一作朱顏氣一作朱已春衆  
賓勿遽起羣僚且逡巡無輕一日醉用犒九日勤微彼  
九日勤何以治吾民微此一日醉何以樂吾身

軍城夜會

姚合

軍城夜禁樂飲酒每題詩坐穩吟難盡寒多醉較遲遠  
鐘驚漏壓微月被燈欺此會誠堪惜天明是別離

春日同會崔少卿宅

前人

詩家會詩客池閣曉初晴鳥盡山中語琴添

集作多

譜外

聲映花相勸酒入洞各題名跡野長

集作常

如此誰人信

在城

同諸公會大府韓卿宅

前人

九寺名卿才思雄邀歡筆下與盃空

一作中

六街鼓盡塵

埃息四座筵開語笑同焰焰蘭釭明狹室丁丁玉漏發

深宮唯愁即是雞催曉

集作即聽雞唱天門曉

吏事相牽西復東

陪湖州韓中丞讌

朱慶餘

老大成名仍足病，強聽絲竹亦無歡。  
高情太守留閒坐，借與青山盡日看。

秋日零陵與幕下諸賓遊河夜宴

鄭史

湘月蘋風乍暢襟，燭前江水練千尋。  
新秋宋玉能為賦，永夕袁宏好共吟。  
輦下翠娥須強展，樽中綠蟻且徐斟。  
汀沙漸有珠凝一作如珠，露緩棹蘭橈，任夜深。

夜携酒訪崔正字

劉得仁

只應芸閣吏知我僻兼愚吟興忘飢凍生涯任有無慘  
雲埋遠岫陰吹吼寒株忽起圍爐思招携一作携來酒滿壺

夏夜會同人

前人

沉沉清暑夕星斗儼虛空岸幘栖禽下烹茶玉漏中形骸忘細故偃仰泰愚衷自汲泉來漱微開密篠風

東齋夜宴酬紹之起居見贈 楊發

龍門八上不知津唯有君心益親白社追遊名自遠青袍相映道逾新十年江海魚緘盡一夜笙歌鳳吹頻

漸老舊交情更重莫將美

一作文

酒負良辰

長安客舍懷邵陵宴寄永州蕭使君五首

曹唐

邵陵樓樹

集作臺榭

碧

一作閣樹

葱蘢河漢星

集作西

流宴未終殘

露五更掀海月清笳三會揭天風香薰舞席雲鬟綠光

射散盤蠟燭紅今日却思行樂處兩床絲竹小樓中

集作

水樓中

二

粉蝶

集作色

彤軒盡障西水雲紅樹窄璇題鷓鴣影

集作欲

絕歌聲定鷓鴣驚初

集作初驚

舞翅齊坐對玉山難句線聽

唯

集作卧聽

金石怕低迷東風月下

集作夜月

三年飲未有

集作不省

歸時不似泥

三

木魚銅鑰銷春城夜上紅

集作江

樓縱飲情竹葉水繁更

漏短桐花風軟管絃清百分散打銀船溢十指寬催玉

筋輕星斗盡飛賓客醉碧雲猶戀艷歌聲

四

三年身遂漢公侯賓榻容居最上頭飽聽笙歌陪痛飲

熟尋雲樹縱間遊朱門銷閉煙風暮鈴

集作紫

閣清涼水

木秋月滿前山風不動更邀詩客醉南樓

五

不知何路學飛翻虛受賢侯鄭重恩午夜清歌敲玉筯

集作樹

三年洪飲竭金樽招携每感雙魚遠報答空思

集作

知一劍存狼藉梨花滿城月當時長醉信陵門

灞

集作澹

上宴別

許渾

山斷水茫茫，洛人西路長。  
笙歌留遠棹，風雨醉華堂。

集作寄

華

堂紅壁耿秋燭，翠簾凝曉香。  
何言

集作誰堪

從此去，雲樹滿

陵陽

潁川從事西湖亭宴餞

前人

西湖清宴不知迴，一曲離歌酒一盃。  
城帶夕陽聞鼓角，

寺臨秋水見樓臺。  
玉堂客醉

集作蘭堂客散

蟬猶噪，桂楫人稀

鳥自來。獨想征車過顰洛，此中霜菊遶潭開。

將為南行陪浙江尚書崔公宴海榴堂

前人

朝譙華堂暮未休，幾人偏得謝公留。  
風傳鼓角霜侵戟，

雲卷笙歌月上樓。  
賓館盡開徐稚榻，客帆空望李

膺舟謾誇書劍無知己。

集作歸處

水遠山遙

集作長

步步愁

夏夜宴明月湖

薛逢

夏夜宴南湖，琴觴興不孤。  
月搖天上桂，星泛浦中珠。  
助

照螢隨舫，添盤笋迸廚。  
聖朝思靜默，堪守谷中愚。

醉中看花因思去歲之任 前人

去歲乘輶出上京，軍機旦暮促前程。  
狂花野草途中恨，春月秋風劍外情。  
愁見瘴煙遮路色，厭聞溪水下灘聲。  
不辭醉伴諸年少，羞對紅粧白髮生。

春夜樊川竹亭陪諸同年讌 項斯

相知皆是舊，每恨獨遊頻。  
幸此同芳夕，寧辭倒醉身。  
竹光遙映燭，萼粉暗飄茵。  
明月分歸騎，重來更幾春。

陪韋中丞宴扈都頭花園 趙嘏

門下

集作外

煙橫載酒船謝家

集作公

携客醉華筵尋花偶

坐將軍樹飲水方重刺史天幾曲艷歌春色裏斷

集作數

行高鳥暮雲邊分明聽得與人語願及行春更一年

九日陪越州元相宴龜山寺

一作亭

前人

佳晨何處泛花遊丞相筵開水上頭雙影旆搖山雨霽

一聲歌裊

一作動

寺雲秋林花

一作光

靜帶高城晚湖

一作水

色寒分半檻流共賀萬家逢此節可憐風物似

一作滿

荆

州

今年新先輩以過密之際每有一作

月

宴集必資

清談

前人

天上高高月桂叢分明三十一枝風滿懷春色向人動  
遮路亂花迎馬紅鶴馭迴飄雲雨外蘭亭不在管絃中  
居然自是前賢事何必青樓倚翠空

婺州宴留上蕭員外

前人

雙溪樓影向雲橫歌轉高雲晚更清獨自下樓騎瘦馬

搖鞭重入亂蟬聲

集宿姚侍御宅懷永樂宰殷侍御

馬戴

石田虞芮接種柳白雲陰穴閉神蹤古河流禹鑿深樵  
人應滿郭仙鳥幾巢林此會偏相語曾同雪夜吟

冬日陪同州吳常侍閒宴  
前人

中天白雲散集客郡齋時陶性聊飛爵看山忽罷碁雪  
花凝始霽木葉脫無遺靜裏常多暇招邀愜所思

夏日會脩行段將軍宅

顧非熊

愛君書院靜莎覆鮮堦濃連穗古藤暗領雖幽鳥重罇  
前迎遠客林杪見晴峯誰謂朱門內雲山滿座逢

廣州陪涼公從叔越臺讌集

李羣玉

一逕松梢踏石梯步窮身在白雲西日銜赤浪金車沒  
天拂滄浪翠笠低高鳥散飛驚大旆長風萬里卷秋聲  
玉鈎挂海笙歌合珠履三千半似泥

夜宴

溫庭筠

孔雀眠高樹櫻桃拂短簷  
畫明金冉冉語玉纖纖細  
雨無妨燭輕寒不隔簾  
莫將紅錦段因夢與江淹

陪李郎中夜讌

方干

間世星郎夜讌時  
丁丁寒漏滴聲稀  
琵琶絃急集作促干

般語鸚鵡盃深四散飛  
遍請玉容歌白雪  
高燒紅燭集作

蠟照朱衣人間盛事猶如此  
爭遣漁翁戀釣磯

石門韋明府為置東陽潭石魚集作鯽鱸

李羣玉

錦鱗銜釣

集作  
餌

出清連煖日江亭動鱸筵疊雪亂飛消

筋底散絲繁灑拂刀前太湖浪說朱衣鮒漢浦休誇縮  
項鰈俊味品流知第一更勞霜橘助芳鮮

長沙陪裴大夫夜讌

東山夜讌酒成河銀燭熒煌照綺羅四面雨聲籠笑語  
滿堂香氣泛笙歌泠泠玉漏初三滴灑灑金觴已半醺  
共向栢臺窺雅量澄陂萬頃見天和

永州陪鄭太守登舟夜宴席上各賦詩

蔣肱

江頭朱紱間青襟豈是仙舟

一作州

不可

一作見

尋誰敢強

登徐稚榻自憐還學謝安吟月凝

一作疑

蘭棹輕風起妓

一作歌

勸金罍盡醉斟剪盡蠟紅人未覺歸時城郭曉煙

深

襄陽閒居與友生夜會

皮日休

大隱悠悠世不知林園幽事遞相期  
舊絲再上琴調晚  
壞葉重燒酒煖遲  
三逕引時寒步月  
四隣偷得夜吟詩

草玄寂淡無人愛，不遇劉歆更語誰。

與友人對酒吟詩

杜荀鶴

憑君滿酌酒聽我，醉中吟客路如天。  
遠侯門似海深，新墳侵古道，白髮戀黃金。  
共有人間事，須懷濟物心。

陪湖南李中丞宴隱溪

曹松

竹林啼鳥不知休，羅列飛橋水亂流。  
觸散柳絲迴玉勒，約開蓮葉上蘭舟。  
酒邊舊侶真何遜，雲裏新聲是莫愁。  
若值主人嫌晝短，應陪秉燭夜深遊。

夜飲

前人

良宵公子宴蘭堂  
濃麝薰人獸吐香  
雲帶金龍銜畫燭  
星羅銀鳳瀉瓊漿  
滿屏珠樹開春景  
一曲歌聲遶翠梁  
席上未知簾幕曉  
青蛾低語指東方

駙馬宅宴罷

前人

粉牆殘月照宮祠  
宴闋銀瓶一半歌  
學語鸚鵡兒飛未穩  
放身斜墜綠楊枝



文苑英華卷二百十六